

保嬰撮要卷之九

薛氏醫按

吳郡薛鎧集

薛已驗

江都

吳中珩校

吐血

經口清者爲榮濁者爲衛榮行脉中衛行脉外蓋榮者水穀之精氣也和調於五臟灑陳於六腑故能入於脉夫榮者陰血也所主在心統化在脾藏內在肝宣布在肺輸泄在腎灌溉一身滋養百脉諸經由此而生毓焉然血之所統者氣也故曰氣主响之血主濡之是以氣行則血行氣止則血止陽生陰長夫唱

婦隨之道也若氣一傷則變症百出故妄行則吐衄
衰涸則虛勞降下則便紅熱陷則溺赤滲於腸胃則
爲腸風陰虛陽搏則爲崩漏此皆氣有殄戾之乖而
血乃生添溢之患也然養陰者可不先知養陽之道
乎小兒患之多因稟賦積熱或食膏粱厚味或乳母
七情鬱火所致治法若氣虛血弱當以人參補之陽
旺則陰生血也若四物湯者獨能主血分受傷爲氣
不虛也若左寸關脉數而無力血虛也四物湯加參
木浮而無力氣虛也補中益氣湯尺脉數或無力腎
虛也六味地黄丸右寸關脉數而有力者肺胃熱也

犀角地黄湯後用四物湯加參苓白朮尺脈數而無方陰虛也用六味地黄丸若面黃目澁肢多手麻者脾肺虛也用黃芪芍藥湯

治驗

一小兒年十餘歲鼻衄肝脈弦數肝藏血此肝火血熱而妄行用小柴胡加山梔龍膽草四劑而血止又用四物苓連蘆薈山梔甘草作丸服又以地黃丸滋腎水生肝血而愈

一小兒久鼻衄右顙鼻準微赤此脾胃傳熱於肺而不能統也先用六君桔梗當歸山梔而血止次

用人參黃芪散以調補脾肺而愈

一小兒壯熱吐血或兼衄血右顯鼻準赤色乃肺
胃積熱用濟生犀角地黃四劑而血並止後因母
飲酒復作用清胃散母子服之而愈

一小兒吐血不止鼻準赤色審其乳母有鬱熱用
加味歸脾湯加味逍遙散母子並服各數劑血少
止又用八珍湯加柴胡牡丹皮而愈

一小兒因母屢恚怒發熱吐血或時衄用加味小
柴胡湯之類治其母並愈後其母因勞役兼怒氣
致兒患驚搐或用抱龍丸又加吐血予以加味道

遲散母子並愈厥後乳母仍勞後發熱此兒即驚
厥或吐血或衄血母用補中益氣湯子用犀角地
黃湯頓愈

一小兒十歲因傷厚味吐血用濟生犀角地黃湯
解食毒清胃熱又用四君牡丹皮升麻調補脾胃
而愈惟肢體倦怠兩手作麻用黃芪芍藥湯數劑
而安

一小兒吐血因乳母火鬱發熱兩脇作痛後吐血
以加味歸脾湯加吳茱萸製黃連治母兒不時飲
數匙月餘並愈後母因怒上血寒熱兒亦吐血先

用加味小柴胡湯二劑後用加味逍遙散治其母
悉愈

一女子年十四歲因驚寒熱發搐服鎮驚之藥更
吐血尋衣撮空身如炙煩躁不眠飲食不入脉洪
大而無倫次按之豁然而空用加減八味丸料二
劑諸症悉退脉息按之如絲無氣以動用人參一
兩煎服不應仍用人參一兩附子五分二劑元氣
頓復

一女子十三歲因怒吐血咬牙發搐用加味逍遙
散加釣藤鈎而愈次年出嫁懷抱鬱結胸滿食少

吐血而赤此因肝火動而血熱脾氣虛而不能攝血也用六味丸及歸脾湯加山梔貝母而愈

一小兒十四歲發熱吐血屬足三陰虛余謂宜補中益氣以滋化源不信仍用寒涼降火前症愈甚或謂曰小兒未有室何腎虛之有參芪補氣奚爲用之余述丹溪先生二腎主閉藏肝主疎泄二臟俱有相火而其系上屬於心心爲君火爲物所風則相火翕然而起雖不交會而其精亦暗耗矣又褚氏云男子精未滿而御女以通其精則五臟有不滿之處異曰有難狀之疾正此謂也遂用補中

益氣湯及六味地黄丸而痊

黃芪芍藥湯治衄多歲面黃眼澁多眵手麻

黃芪

三兩

甘草

炙

升麻

葛根

芍藥

炒黃各一兩

羌活

半兩

右每三錢水煎服

愚按此手足太陰陽明藥也然血虛久則陽亦虛矣故血不足則麻木陰虛火動變症百出實非風也此出升陽滋陰例

人參黃芪散治虛勞客熱消瘦倦怠口燥咽乾自晡潮熱五心煩熱盜汗胸滿食少作渴咳唾時有膿

五

天門冬去心
三兩

半夏

知母炒黃

桑白皮

赤芍藥炒

黃芪炒

紫苑

甘草炙各
半兩

白茯苓

柴胡

秦艽

生地黃

熟地黃

地骨皮各一
兩

人參

桔梗各一
兩

鼈甲醋炙
五錢

右劉散每服三五錢水煎服大人亦得一方有
生薑

四物湯方見急驚

加味小柴胡湯

小柴胡湯 方見瘕症

清胃散

加味歸脾湯

加味逍遙散

四君子湯

六君子湯 五方見內釣

濟生犀角地黄湯 方見便血

補中益氣湯 方見虛羸

八珍湯 即四君四物
二湯合用也

六味丸 方見腎臟

虛羸

仲陽云小兒虛羸因脾胃不和不能乳食使肌體瘦弱或大病後脾氣尚弱不能傳化穀氣所致若冷者時時下利唇口清白熱者身溫壯熱肌體微黃更當審其形色察其見証如面赤多啼心之虛羸也面青目劓肝之虛羸也耳前後或耳下結核肝經虛火也頸間肉裏結核食積虛熱也面黃痞滿脾之虛羸也面白氣喘肺之虛羸也目睛多白腎之虛羸也仍審相勝而藥之又寒熱二症不可不辨若腹痛瀉利清白不渴喜熱此屬寒症雖在夏月宜木香丸身熱煩

躁瀉利焦黃作渴喜冷此屬熱症雖在冬月宜胡黃連丸皆捨時從症之治法也

治驗

一小兒十三歲面赤驚悸發熱形體羸瘦下時而白噯氣下氣時常停食服保和丸及清熱等藥余曰面赤驚悸心神怯也面白噯氣心火虛也大便下氣脾氣虛也此皆稟心火虛不能生脾土之危症前藥在所當禁者不信又服枳朮丸鎮驚等藥而諸症益甚大便頻數小腹重墜脫肛痰涎飲食日少余先用六君子湯爲主佐以補心丸用餘飲

食少進痰涎少止又用補中益氣湯送四神而愈
畢姻後病復作墜時至仲冬面白或鰐色手足冷
喜食胡椒薑物腹中不熱脉浮按之微細兩尺微
甚乃用八味丸元氣復而形氣漸充年至二十苦
畏風寒面目赤色發熱吐痰唇舌赤裂食椒薑之
物唇口卽破痰熱愈甚腹中却不熱診其脉或如
無或欲絕此寒氣逼陽於外內真寒而外假熱也
仍用八味丸而諸症頓愈

一小兒八歲面常青色或時色赤日間目劄夜睡
咬牙二年餘矣服清肝降火之藥益甚形氣日羸

余考績到京求治於余曰肝主五色入心則赤自
入則青蓋肝屬木而生風故肝氣爲陽爲火肝血
爲陰爲水此稟肝腎精血不足虛火內動陰血益
虛虛而生風風自火出故變面赤目劄等症耳非
外風也遂用地黃丸以滋腎水生肝木兩月目劄
咬牙悉止又三月許諸症尋愈而元氣亦充矣凡
肝經之症若肝木實熱生風而自病或肺金實熱
而尅木者宜用清肝降火之劑以瀉其邪氣若肝
經風熱而目直等症用柴胡梔子散以清肝火加
味四物湯以養肝血若腎虛而咬牙諸症用六君

子湯以健脾土六味地黃丸以滋腎水則愈

一小兒脾氣虛弱飲食停滯發熱作渴服瀉黃散
不時下痢余先用保和丸二服而愈但不食惡心
面青手冷又用六君柴胡升麻四劑面色痿黃食
進手溫惟形體羸甚倦怠發熱小腹重墜肛門脫
出用補中益氣湯加半夏肉豆蔻二劑而安凡脾
胃之症若發熱作渴飲食喜冷或泄瀉色黃睡不
露睛者屬形病俱實宜用瀉黃散疎導之若發熱
口乾惡冷或泄瀉色白睡而露睛者屬形病俱虛
宜用異功散調補之若脾氣下陷者補中益氣湯

寒水侮土者益黃散肝木尅脾者六君加柴胡若
目睛微動潮熱抽搐吐瀉不食宜用秘旨保脾滑
凡小兒諸病先當調補脾胃使根本堅固則諸病
自退非藥所能盡祛也

一小兒五歲形氣虛羸睡中咬牙夜間遺尿日間
顫數余以爲稟腎氣不足用補中益氣湯加補骨
脂地黃丸加鹿茸以補脾腎而痊畢姐後小便頻
數作渴發熱日晡益甚恪服黃栢知母等藥以滋
陰降火後患腎痿卧牀年許余因考績北上仍用
前藥喜其慎疾半載而痊

一小兒年十一歲面白或赤足軟不能久行用地黃丸加鹿茸年許而瘥畢相後兩目羞明兩足仍軟用前丸及補中益氣湯而痊後病復發增口渴足熱頭顙覺開視物覺大此腎虛瞳人散大而然也服前藥遠房事則愈因不自保終患腎痿而歿仲陽先生云此症屬腦髓不足不能榮養宜用地黃丸補之有至七八歲或十四五歲氣血既盛而自合若縱恣色慾戕賊真陰亦不能盡其壽矣

一小兒體素虛弱患咳嗽痰涎服化痰藥而痰益甚余以爲脾虛食積先用六君神麴山查漸愈後